

"РУЙХАТГА ОЛИНГАН"

Ўзбекистон Республикаси Адлия
вазирлиги ҳузуридаги Давлат
хизматларини кўрсатиш маркази
томонидан 2021 йил « » _____
_____ рақам билан

М.У.



"ТАСДИКЛАНГАН"

«Самарқандмармар» акциядорлик жамияти
акциядорларининг 2021 йил 07 апрелда
кузатув кенгашининг навбатдаги йиғилиши
томонидан



"SAMARQANDMARMAR" aksiyadorlik jamiyati УСТАВИ (янги тахрири)

1. УМУМИЙ ҚОИДАЛАР

1. Ушбу Устав Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Қонунни (матн - давомида Қонун) ва бошқа қонун ҳужжатлари асосида ишлаб чиқилган.

2. Бундан буён матнда "Жамият" деб аталувчи «SAMARQANDMARMAR» aksiyadorlik jamiyati Ўзбекистон Республикаси давлат мулкани бошқариш ва тадбиркорликни қўллаб-қувватлаш қўмитасининг 1994 йил 29 июндаги 294-П-сонли "Ўзқурилишматериаллари" бирлашмасига қарашли "Самаркандмармар" давлат корхонасини очиқ акциядорлик жамиятига айлантириш тўғрисидаги буйруғига асосан таъсис этилган бўлиб, Самарканд вилоят Адлия бошқармаси томонидан 1995 йил 24 май куни А/234-рақам билан давлат рўйхатига олинган. Жамиятнинг янги тахрирдаги Устави Самарканд шаҳар ҳокимлиги ҳузуридаги тадбиркорлик субъектларини рўйхатга олиш инспекцияси томонидан 2014 йил 19 сентябрда 11709-рақам билан рўйхатга олинган.

3. Жамият ўз фаолиятини Ўзбекистон Республикасининг Фуқаролик кодекси, "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги (06.05.2014 й. ЎРқ-370-сон) ва "Кимматли қоғозлар бозори тўғрисида"ги (03.06.2016 й. ЎРқ - 387) қонунлари ва бошқа меъёрий-ҳуқуқий ҳужжатларга мувофиқ олиб боради.

4. Жамиятнинг тўлиқ фирма номи :

4.1. Ўзбек тилида:

- лотин ёзувида: "SAMARQANDMARMAR" aksiyadorlik jamiyati;
- кирилл ёзувида: "САМАРКАНДМАРМАР" акциядорлик жамияти.

4.2. Рус тилида: Акционерное общество «САМАРКАНДМАРМАР».

4.3. Инглиз тилида: Joint stock company "SAMARQANDMARMAR".

5. Жамиятнинг қисқартирилган номи:

5.1. Ўзбек тилида:

Лотин ёзувида: "SAMARQANDMARMAR" АЖ;

кирилл ёзувида: "САМАРКАНДМАРМАР" АЖ.

5.2. Рус тилида: АО «САМАРКАНДМАРМАР».

5.3. Инглиз тилида: JSC "SAMARQANDMARMAR".

6. Жамият "Самаркандмармар" ochiq aksiyadorlik jamiyati ҳуқуқларини ыабул ыилувчи ворис ҳисобланади ва унинг мажбуриятлари буйича жавобгардир.

Жамиятнинг манзили:

- жойлашган ери: Ўзбекистон Республикаси, Самарканд вилояти, Самарканд шаҳри, Спитаменшоҳ кўчаси, 157-уй.
- почта манзили: Ўзбекистон Республикаси, Самарканд вилояти, Самарканд шаҳри, Спитаменшоҳ кўчаси, 157-уй. Индекс: 140118.

Жамиятнинг электрон почта манзили: sammramar.ru@inbox.uz

Жамиятнинг расмий корпоратив веб-сайти: www.samarkandmarmar.uz

II. ЖАМИЯТНИНГ ХУКУКИЙ ҲОЛАТИ, ЖАВОБГАРЛИГИ

7. Жамият юридик шахс бўлиб, у ўз мустақил балансида ҳисобга олинадиган алоҳида мол-мулкка, шу жумладан ўзининг устав капиталга берилган мол-мулкка эга бўлади, ўз номидан мулкӣ ва шахсий номулкӣ ҳуқуқларини олиши ҳамда амалга ошириши, зиммасига мажбуриятлар олиши судда даъвогар ва жавобгар бўлиши мумкин.

8. Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият фаолият кўрсатиш муддати чекланмаган ҳолда ташкил этилади.

9. Жамият Ўзбекистон Республикаси ҳудудида ва ундан ташқарида банк ҳисоб варақлари очишга ҳақлидир.

10. Жамият ўзининг фирма номи давлат тилида тўлиқ ёзилган ҳамда жойлашган ери кўрсатилган юмалоқ муҳрга эга бўлиши лозим. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

11. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

12. Жамият ўз мажбуриятлари юзасидан ўзига тегишли барча мол-мулк билан жавобгар бўлади.

13. Акциядорлар жамиятнинг мажбуриятларн юзасидан жавобгар бўлмайди ва унинг фаолияти билан боғлиқ зарарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

14. Акцияларнинг ҳақини тўлиқ тўламаган акциядорлар жамиятнинг мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўлади.

15. Жамият ўз акциядорларининг мажбуриятларн юзасидан жавобгар бўлмайди.

16. Агар жамиятнинг банкротлиги жамият учун мажбурий бўлган кўрсатмалар бериш ҳуқуқига эга бўлган акциядор сифатида иш юритаётган шахснинг ғайриқонуний ҳаракатлари туфайли юзага келган бўлса, жамиятнинг мол-мулки етарли бўлмаган тақдирда, мазкур акциядорнинг зиммасига жамиятнинг мажбуриятлари бўйича субсидиар жавобгарлик юклатилиши мумкин. Акциядор мажбурий кўрсатмалар бериш ҳуқуқига ушбу уставида бу ҳуқу назарда тутилган тақдирдагина эга бўлади.

17. Жамият учун мажбурий кўрсатмалар бериш ҳуқуқига эга бўлган акциядор жамият муайян ҳаракатни амалга ошириши оқибатида банкрот бўлишини била туриб, ушбу ҳуқуқидан жамият томонидан шундай ҳаракат амалга оширилиши учун фойдаланган тақдирдагина жамиятнинг банкротлиги акциядорнинг ҳаракати туфайли юзага келган деб ҳисобланади.

18. Давлат ва унинг органлари жамиятнинг мажбуриятлари юзасидан жавобгар бўлмайди. Ҳудди шунингдек, жамият ҳам давлат ва унинг органларининг мажбуриятларн юзасидан жавобгар бўлмайди.

III. ЖАМИЯТ ФАОЛИЯТИНИИГ СОҲАСИ (АСОСИЙ ЙЎНАЛИШЛАРИ) ВА МАКСАДИ

19.Жамият тижорат ташкилоти бўлиб, унинг асосий мақсади молиявий-хужалик фаолиятдан фойда олишдир.

20.Жамият фаолиятининг муайян соҳасига мармар ва гранит блоклари қазиб чиқариб, шу тошларлар қоплама материаллар ва манзарали мармар увокларни ишлаб чиқариб, аҳолини ва юридик шахсларни шу махсулотлар билан таъминлаш ҳамда аҳолининг турли хизматларга бўлган эҳтиёжини тўлароқ қондириш мақсадида фаолиятни ривожлантириш, такомиллаштириш ва х.к.лар қиради.

21.Жамият асосий мақсадига эришиш учун фаолият ва хизмат кўрсатиш куйидаги турларни амалга оширади:

- тоғ-тошларини ишлаб чиқаришда геологик-маркшейдер ва технологик хизмат кўрсатиш, фойдали қазилмаларни олдиндан киритиш ва ҳисобга олиш, ҳисоботларни тузиш ва лойиҳалаштириш;
- мармар ва гранит блоклари қазиб чиқариш ва сотиш;
- мармар ва гранит тошлардан қоплама материаллар ва манзарали увоклари ишлаб чиқариш ва сотиш;
- бентонит ва гипс тошларни қазиб олиш, сотиш ва халқ истеъмоли моллари ишлаб чиқариш;
- мармар,гранит ва гипс тошларни қазиб олишда бурғулаш, портлатиш ишларини амалга ошириш;
- аҳолига халқ истеъмоли моллари билан савдо қилиш;
- халқ истеъмоли моллари ишлаб чиқариш ва сотиш;
- Ўзбекистон Республикаси ва ундан ташқари ҳудудларда тижорат-воситачилик, савдо-харид ва савдо-воситачилик ва лизинг хизматини амалга ошириш;
- улгуржи,чакана ва тижорат (комиссион) марказлари,савдо дўконлари ташкил этиш ва ишлаб чиқариладиган махсулотларни хусусий фирма ҳамда ўз дўконлари орқали аҳолига ва юридик шахсларга нақд пул ва пул кўчириш йўли билан сотиш;
- аҳоли ва юридик шахслардан қишлоқ хўжалик, чорвачилик ва паррандачилик махсулотларини сотиб олиш, тайёрлаш,сақлаш, қайта ишлаш ва сотиш;
- ёрдамчи хўжаликда қишлоқ хўжалик махсулотлари етиштириш ва уни қайта ишлаш;
- аҳоли ва юридик шахсларга барча турдаги хизматларни кўрсатиш;
- жисмоний ва юридик шахсларга тегишли бўлган автотранспорт воситаларига техник хизмат кўрсатиш ва таъмирлаш;
- янги технологиялар ишлаб чиқариш, илмий-амалиётчилик фаолияти;
- диллерлик фаолияти;
- кўргазма, ярмарка ва кимошди савдоларини ташкил этиш ва уларда қатнашиш;
- қурилиш, таъмирлаш, монтаж, бадий-безакчилик ва суратга тушириш (фото) ишлари билан шуғулланиш;
- автотранспорт хизматлари;
- юк ортиш ва тушириш ҳамда транспорт-экспедиция хизматларини таъминлаш;
- жамғарма, валюта, хомашё махсулотлари ва кўчмас мулк биржаларида (операциялар билан шуғулланиш) фаолият кўрсатиш;
- ошхона ва кахвахоналар очиш ҳамда умумий овқатланиш фаолиятини амалга ошириш;
- қишлоқ хўжалиги товар ресурсларини купайтириш;
- аҳолига пулли хизмат кўрсатиш;
- ташқи ва ички бозорда мол айрибошлаш операцияларини амалга ошириш;
- ишлаб чиқариш техника базасини ривожлантириш;
- ижтимоий соҳаларда хизмат кўрсатиш (қурилиш материаллари ишлаб чиқариш);

- маркетинг, реклама-ахборот фаолиятини олиб бориш.

22. Жамият қонунчилиқда белгиланган бошқа турларини ўрнатилган тартибда амалга ошириши мумкин.

23. Махсус рухсатнома (лицензия) талаб қилинадиган фаолият турлари тегишли рухсатнома (лицензия) олинганидан сўнг амалга оширилади.

IV. ЖАМИЯТ УСТАВ КАПИТАЛИНИНГ МИҚДОРИ

24. Жамиятнинг устав капитали акциядорлар олган жамият акцияларининг номинал қийматидан ташкил топади.

25. Жамият устав капитали 684216000 (олти юз саксан тўрт миллион икки юз ун олти минг) сумни ташкил қилади. У ҳар бирининг номинал қиймати 2600 сум булган 263160 дона (шундан 262260 дона эгаси ёзилган оддий ва 900 дона эгаси ёзилган имтиёзли) акцияларга булинган.

26. Жамиятнинг устав капитали қуйидаги тартибда тақсимланган.

- Меҳнат жамоаси улуши - 6,6 % яъни 45292000 сум ёки 17420 дона акциялардан шундан 900 дона имтиёзли, 16520 дона эгаси ёзилган оддий акциялардан иборат. (жойлаштирилган)

- Чет эл инвестори ва эркин савдо улуши - 93,4 % яъни 638924000 сум ёки 245740 дона дона эгаси ёзилган оддий акциялардан иборат.

Жамиятнинг устав капиталидаги улушини кўпайтириш

27. Жамиятнинг устав капиталикўшимча акцияларни жойлаштириш йўли билан кўпайтириш мумкин.

28. Кўшимча акциялар Жамият томонидан ушбу уставда белгиланган эълон қилинган акциялар сони доирасидагина жойлаштирилади.

29. Жамият устав капиталини ошириш мақсадида жойлаштирилган акцияларига кўшимча равишда чиқариши мумкин бўлган эълон қилинган акциялари миқдори –номинал қиймати 2 600 сўмдан бўлган 262 260 дона оддий ва 900 дона имтиёзли акциялардан иборат.

30. Устав капиталини кўшимча акцияларини жойлаштириш йўли билан кўпайтириш тўғрисидаги қарорда жойлаштириладиган кўшимча акцияларнинг умумий қиймати. сони. тури, номинал қиймати, жойлаштириш тартиби. усули. муддати. жойлаштириш (акцияларнинг биржа ва уюшган биржадан ташқари бозорига чиқариш) нарки, акциялар учун тўлов тартиби, амалга ошмаган деб топиш улуши ва амалга ошмаган деб топилган тақдирда акциялар учун қабул қилинган тўлов воситаларини қайтариш тартиби белгиланади.

31. Кўшимча чиқарилаётган акциялар очик ва ёпик обуна усуллари билан жойлаштирилади.

32. Жамиятнинг устав капиталини кўпайтириш тўғрисидаги ва жамият уставига тегишли ўзгаришлар киритиш ҳақидаги қарорлар жамиятнинг қузатув кенгаши томонидан қабул қилинади.

33. Жамият томонидан акцияларни ва акцияларга айирбошланадиган ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар ўзига тегишли шу турдаги акциялар миқдорига мутаносиб миқдорда уларни имтиёзли олиш ҳуқуқига эга.

34. Имтиёзли ҳуқуқни қўлламаслик тўғрисидаги қарор, шунингдек бундай қарорнинг амал қилиш муддати ҳақидаги қарор акциядорларнинг умумий йиғилишида иштирок этаётган овоз берувчи акциялар эгаларининг кўпчилик овози билан қабул қилиниши мумкин. Бундай қарорнинг амал қилиш муддати ушбу қарор қабул қилинган пайтдан эътиборан бир йилдан ортиқ бўлиши мумкин эмас.

35. Имтиёзли ҳуқуққа эга бўлган шахсларнинг рўйхати қимматли қоғозларни чиқариш тўғрисидаги қарор қабул қилинган санадаги жамият акциядорлари рессурсининг Маълумотлари асосида тузилади.

36. Қўшимча чиқарилган акциялар бозор қийматида, лекин номинал қийматидан кам бўлмаган қийматда жойлаштирилади.

37. Акцияларни жойлаштириш, шу жумладан, акциядорлар ўргасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи қимматли қоғозлар савдоси ташкилотчиларининг савдо майдончаларида вужудга келаётган нархлар конъюктурасидан келиб чиққан ҳолда белгиланади.

Жамиятнинг устав капитали купатирилаётганда жамиятнинг қўшимча акцияларига унинг ўз капитали ҳисобидан, шунингдек ҳақини қўшимча акциялар билан тўлаш тўғрисида қарор қабул қилинган дивидендлар ҳисобидан ҳақ тўланган тақдирда бундай акцияларни жойлаштириш жамият акцияларининг номинал қиймати бўйича амалга оширилади.

38. Солиққа оид ёки давлат олдидаги бошқа қарздорлик ҳисобига жамият устав капиталидаги давлат улушини шакллантириш ёки ошириш тўғрисидаги қарор жамият акциядорлари умумий йиғилиши томонидан жамиятнинг жойлаштирилган овоз берувчи акцияларининг камида учдан икки қисми эгалари бўлган акциядорларнинг (давлатдан ташқари) розилиги мавжуд бўлган тақдирда, акциядорларнинг оддий кўпчилик овози билан қабул қилинади.

Жамиятнинг устав капиталидаги камайитириш

39. Жамиятнинг устав капитали акцияларининг номинал қийматини камайитириш ёки акцияларнинг умумий сонини қисқартириш йули билан камайитирилиши мумкин.

40. Агар устав капиталини камайитириш натижасида унинг миқдори қонун ҳужжатларида белгиланган энг кам миқдоридан камайиб кетса, Жамият устав капиталига камайитиришга ҳақли эмас.

41. Устав капиталини камайитириш тўғрисида қарор қабул қилган вақтда акциядорларнинг умумий йиғилиши устав капитални камайитириш сабабларини кўрсатади ва уни камайитириш тартибини белгилайди.

V. ЖАМИЯТ АКЦИЯЛАРИНИНГ ТУРЛАРИ

42. Жамиятнинг акциялари оддий ва имтиёзли бўлиб, ҳужжатсиз шаклда ҳисоби юритилади. Акцияларга эгалик ҳуқуқи депо-ҳисоб варагидан кучирма билан тасдиқланади.

43. Имтиёзли акциялар эгалари жамият тугатилган тақдирда унинг мулклари тақсимланилаётган пайтда оддий акция эгалари ўртасида мулк тақсимоли амалга оширилгунга қадар ўз акцияларининг номинал қийматини оладилар.

44. Жамият ўзи жойлаштирган имтиёзли акцияларни олиш нархи уларнинг бозор қийматига мувофиқ белгиланади.

45. Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади. Имтиёзли акциялар бўйича дивидендлар жамиятнинг бунинг учун махсус мўлжалланган фондлар ҳисобидан ҳам тўланиши мумкин.

Жамият томонидан оддий акциялар бўйича ҳисобланган дивидендларни тўлаш акциядорларнинг дивидендларни олишга бўлган тенг ҳуқуқларига риоя этилган ҳолда амалга оширилади.

46. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд Жамиятнинг акциялари ва бошқа қимматли қоғозлари билан тўланиши мумкин.

Жамиятнинг имтиёзли акциялари бўйича дивидендларини қимматли қоғозлар билан тўлашга йўл қўйилмайди.

47. Дивиденд акциядорлар ўртасида уларга тегишли акцияларнинг сони ва турнга муносиб равишда тақсимланади.

Имтиёзли акция ўз эгасига ҳар йили бир дона акция номинал қийматининг 25 фоизи миқдорида биринчи навбатда дивиденд олиш ҳуқуқини беради.

48. Жамият бир йилда бир марта йил натижаларига кўра жойлаштирилган акциялар бўйича дивидендлар тўлайди, қонун ҳужжатларида кўзда тутилган ҳоллар бундан мустасно.

Оддий акциялар бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик ҳулосаси мавжуд бўлган тақдирда молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларни тўлаш муддати шундай қарор қабул қилинган кундан эътиборан олти кундан кеч бўлмаслиги лозим.

VI. ЖАМИЯТНИНГ ЗАХИРА ФОНДИ

49. Жамият соф фойда ҳисобидан захира фондини ҳамда акциядорларнинг умумий йиғилишида аниқланадиган, жамият фаолияти учун зарур бўлган бошқа фондларни ташкил этади.

50. Жамиятнинг захира фонди, бошқа маблағлар мавжуд бўлмаган тақдирда, жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мўлжалланади. Захира фондидан бошқа мақсадларда фойдаланиш мумкин эмас.

51. Жамият устав капиталининг 15 фоизи миқдорида захира фонди тузилади. Захира фондига белгиланган миқдорга етунига қадар ҳар йили соф фойдадан 5 фоиз миқдорида ажратмалар ўтказилад.

52. Захира фонди тўлалигича ёки қисман сарфланиб бўлган ҳолларида, соф фойдадан мажбурий ажратмалардан тикланади.

VII. ЖАМИЯТ БОШҚАРУВИНИНГ ТУЗИЛМАСИ

53. Жамият бошқарув органлари:

- Акциядорларнинг умумий йиғилиши
- Кузатув кенгаши
- Ижроия органи (директор).

VIII. ЖАМИЯТ АКЦИЯДОРЛАРИНИНГ УМУМЙЙ ЙИҒИЛИШИ

54. Акциядорларнинг умумий йиғилиши жамиятнинг юқори бошқарув органидир.

55. Жамият ҳар йили акциядорларнинг йиллик (навбатдаги) умумий йиғилишини ўтказиши шарт. Акциядорларнинг йиллик умумий йиғилиши йил тугаганидан кейин олти ойдан

кечиктирмай ўтказилади. Жамият акциядорларнинг навбатдаги (йиллик) умумий йиғилиши ҳар йили одатда июн ойининг 01 санасидан 30 санасигача бўлган давр оралиғида ўтказилади.

56. Жамиятнинг бир фойздан кам бўлмаган оддий акциялари эгалари акциядорлар умумий йиғилиши кун тартиби, фойдани тақсимлаш, бошқарув ва назорат органи аъзолигига уларнинг номзодини (умумий йиғилиш ўтказилгунга қадар алмаштириш имконияти билан) кўрсатиш юзасидан таклиф киритиш ҳуқуқига эга. Бундай таклифлар молия йили тугагандан кейин 90 кундан кечиктирмай тақдим этилиши лозим.

57. Акциядорларнинг йиллик умумий йиғилишида қуйидаги масалалар кўрилади.

- кузатув кенгашини сайлаш;
- тафтиш комиссиясини сайлаш;
- Жамиятнинг ижроя органи раҳбари билан тузилган шартномаларни муддатини узайтириш, уни қайта тузиш ёки бекор қилиш;
- Жамиятнинг йиллик ҳисоботи ва бизнес -режаси ижроси бўйича ҳисобот;
- Кузатув кенгаши ва Ижроия органнинг Жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисоботлари:
- фойда ва зарарларни тақсимлаш;
- Жамият кузатув кенгашининг ва тафтиш комиссиясининг ўз ваколати доирасига қарадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгаши ҳисоботларини ва тафтиш комиссиясининг ҳулосаларини эшитиш, Йиғилишда бошқа масалалар ҳам кўриб чиқилиши мумкин.

58. Акциядорларнинг йиллик умумий йиғилишидан ташқари ўтказиладиган умумий йиғилишлар навбатдан ташқари йиғилишлардир.

59. Акциядорларнинг умумий йиғилишини кузатув кенгашининг раиси, у узрли сабабларга кўра бўлмаган тақдирда эса, кузатув кенгашининг аъзоларидан бири олиб боради.

60. Акциядорлар умумий йиғилишининг ваколат доирасига қуйидагилар қиради.

- жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;
- жамиятни қайта ташкил этиш;
- жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;
- кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- эълон қилинган акцияларни энг кўп миқдорини белгилаш;
- устав капиталини камайтириш;
- жамиятнинг жойлаштирилган акцияларини сотиб олиш;
- жамиятнинг ташкилий тузилмасини тасдиқлаш, ижроя органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш;
- тафтиш комиссиясини сайлаш ва уларнинг ваколатларини муддатидан олдин тугатиш, шунингдек, жамият тафтиш комиссияси тўғрисидаги низомни тасдиқлаш;
- жамиятнинг йиллик ҳисоботини, шунингдек жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узок муддатга ривожлантиришнинг аниқ муддатлари белгиланган стратегиясини тасдиқлаш;

- жамиятнинг фойдаси ва зарарларини тақсимлаш;

- жамият кузатуви кенгашининг ва тафтиш комиссиясининг ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатуви кенгашининг ҳисоботларини ва тафтиш комиссиясининг ҳулосаларини эшитиш;

- Иштиёзли ҳуқуқни қўллагаслик тўғрисида Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги 35-моддасида ва мазкур уставда назарда тутилган қарорлар қабул қилиниш;

- жамиятнинг жорий ҳўжалик фаолияти билан боғлиқ битимларни белгилаш;

- ҳомийлик (хайрия) ёки бегараз ёрдам кўрсатиш (олиш) тартиби ва шартларини белгилаш, уларни амалга ошириш ваколатини кузатуви кенгашига бериш тўғрисида қарор қабул қилиш;

- Электрон почта орқали (электрон рақамли имзо билан тасдиқланган ҳолда), шунингдек, ўз ваколатини вакилга бериш йўли билан овоз бериш ёки умумий йиғилиш видеоконференция-алоқа тарзида ўтказиш тартибини белгилаш (тасдиқлаш);

- санок комиссиясига амалий кўмак кўрсатиш ёки унинг функциясини бажариш учун мустақил экспертларни жалб этиш (масалан: инвестиция маслаҳатчиси ёки қимматли қоғозлар бозорининг бошқа профессионал иштирокчиси) тартибини белгилашни (тасдиқлаш:)

- Жамият маблағлари ҳисобидан миноритар акциядорлик қўмитасини сақлаш харажатини қолаш (миноритар акциядорлик қўмитаси тузилган тақдирда) тартибини белгилаш (тасдиқлаш);

- акциядорларнинг умумий йиғилишида ҳисобот берувчи Жамият бошқарув ва назорат органлари маърузалари (Ҳисоботлари) шакли ва мазмунига бўлган талабларни акциядорлар умумий йиғилиши давомийлигини белгилаш;

- қонун ҳужжатларига мувофиқ бошқа масалаларни ҳал этиш;

Акциядорларнинг умумий йиғилишида иштирок этиш ҳуқуқи акциядор томонидан шахсан ёки унинг вакили орқали амалга оширилади. Акциядорнинг вакили акциядорларнинг умумий йиғилишида ёзма шаклида тузилган ишончнома асосида иш юритади.

62. Акциядорларнинг умумий йиғилиши томонидан қабул қилинган қарорлар қонун ҳужжатларида белгиланган муддатларда Жамият корпоратив веб-сайтида ва корпоратив ахборот ягона порталида жойлаштирилади. Агар, Жамият акциялари ва бошқа қимматли қоғозлар фонд биржасининг котировка варағига киритилган бўлса, мазкур қарорлар биржанинг веб-сайтида ҳам жойлаштирилади.

63. Акциядорлар, шу жумладан, миноритар акциядорлар овоз беришда биргаликдаги позициясини шакллантириш учун акциядорлик битимини тузиш мумкин.

64. Жамиятнинг миноритар акциядорлари ҳужжатларини асоссиз равишда талаб қилиш ва махфий ахборотлар, тижорат сирларини қўллаш йўли билан Жамият бошқарув органи фаолиятига тўсқинлик қилмаслиги лозим.

65. Жамият акциядорлар умумий йиғилиши Жамиятнинг «Акциядорлар умумий йиғилиши тўғрисида»ги Низом асосида чиқарилади ва ўтказилади.

IX. ЖАМИЯТ КУЗАТУВ КЕНГАШИ

66. Жамият кузатуви кенгаши Жамият фаолиятига умумий раҳбарликни оширади, акциядорлар умумий йиғилишининг ваколатига тааллуқли масалалар бундан мустасно.

67. Жамият кузатув кенгашининг аъзолари акциядорларнинг умумий йиғилиши томонидан бир йиллик муддатга сайланадилар. Жамият кузатув кенгаши аъзоларининг сони 5 (беш) кишидан иборат.

Корпоратив бошқарув кодексида акс эттирилган мустақил аъзо мезонларига мувофиқ бўлган кузатув кенгашининг камида бир нафар (аммо уставда кўзда тутилган кузатув кенгаши аъзолари сонини 15 фоиздан кам бўлмаган) аъзоси йирик акциядорлар томонидан келишилган ҳолда тавсия этилади ва сайланади.

68. Жамият кузатув кенгаши ваколатига доирасига қуйидагилар киради.

- жамиятнинг бизнес-режаси кўрсаткичларини бажарилиши, шунингдек, ривожлантириш стратегиясига эришиш бўйича кўрилаётган чора тadbирлар тўғрисида жамият ижроя органининг ҳисоботини мунтазам равишда эшитиб борган ҳолда жамият фаолиятини устивор йўналишларини белгилаш:

- акциядорларнинг йиллик ва навбатдан ташқари умумий йиғилишларини чақириш, Қонунда назарда тутилган ҳоллар мустосно,

- акциядорлар умумий йиғилишининг кун тартибини тайёрлаш, ўтказиладиган сана, вақт ва жойини белгилаш;

- акциядорлар умумий йиғилишининг ўтказилиши ҳақида хабар қилиш ва иштирок этиш учун жамият акциядорларининг реестрини шакллантириш санасини белгилаш;

- Ўзбекистон Республикасининг “Акциядорлик жамиятлари ва акциядорларининг ҳуқуқини ҳимоя қилиш тўғрисида”ги Қонунида 59- моддаси биринчи қисми нинг иккинчи хат бошисидан назарда тутилган масалаларни акциядорларнинг умумий йиғилиши ҳал қилиш учун киритиш;

- мол мулкни бозор қийматини белгилашни ташкил этиш;

- Жамият бош директорининг ваколати муддатидан олдин тугатилган тақдирда, унинг вазифасини вақтинча бажарувчини тайинлаш;

- жамиятнинг ижроя органига тўланадиган ҳақ ва (ёки) компенциялар миқдорини белгилаш, шунингдек, кўрсатилаган тўловларнинг чегараси миқдорини Ўзбекистон Республикаси Вазирлар Маҳкамасининг 28.07.2015 йилдаги 207-сонли қарори билан тасдиқланган “Давлат улуши бўлган акциядорлик жамиятлари ва бошқа хўжалик юритувчи фаолияти самарадорлигини баҳолаш мезонларини жорий этиш тўғрисида”ги қарори билан белгиланган самарадорликнинг муҳим кўрсаткичларига боғланган ҳолда белгилаш;

- жамиятнинг йиллик бизнес –режасини жорий йилнинг 1 декабр кунидан кечиктирмай тасдиқлаш;

- ички аудитхизматини ташкил этиш ва унинг ходимларини тайинлаш, шунингдек, ҳар чоракда унинг ҳисоботларини эшитиб бориш;

- жамият ижроя органининг фаолиятини дахлдор ҳар қандай ҳужжатлардан эркин фойдаланиш ва жамият Кузатув кенгаши зиммасига юклатилган вазифаларни бажариш учун бу ҳужжатларни ижроя органидан олиш. Жамият Кузатув кенгаши ва унинг аъзолари олинган ҳужжатлардан факат хизмат мақсадларида фойдаланиш мумкин:

- аўдиторлик текширувини, шу жумладан халқаро стандартларга мувофиқ тузлган молиявий ҳисоботларнинг халқаро аудит стандартларига мувофиқ аўдиторлик текширувидан ўтказиш бўйича қарор қабул қилиш;

- аўдиторлик ташкилоти ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

- тафтиш комиссиясига тўланадиган ҳақ ва компенсация миқдорлари юзасидан тавсиялар бериш;

- дивиденд миқдори, уни тўлаш шакли ва тартиби юзасидан тавсиялар бериш;

- захира фондидан ва бошқа фондларидан фойдаланиш;

- филиалларни ташкил этиш ва ваколатхоналарни очиш;

- шўъба ва тобе хўжалик жамиятларини ташкил этиш улар акциядорлик жамияти ёки (маъсуляти чекланган жамият шаклларида тузилади.)

- Қонунда белгиланган ҳолларда Жамият томонидан йирик битимлар ва Жамият аффилиланган шахслари билан (манфаатдорлик) битимлар тузиш тўғрисида қарор қабул қилиш :

- Жамиятнинг тижорат ва нотижорат ташкилотларидаги ишқироки билан боғлиқ битим ларни қонун ҳужжатларида белгиланган тартибда тузиш;

- Корпоратив облигациялар, шу жумладан , акцияларга айрибошланадиган облигациялар чиқариш тўғрисида қарор қабул қилиш;

- Жамиятнинг корпоратив облигацияларини қайтариб сотиб олиш тўғрисида қарор қабул қилиш:

- Жамиятнинг устав капиталини кўпайтириш,шунингдек жамият уставига жамиятнинг устав капиталини кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартириш ва кўшимчалар киритиш тўғрисидаги қарорни қабул қилиш:

- Акцияларни жойлаштириш (қимматли қоғозларнинг биржа бозорига ва уюшган биржадан ташқари бозорга чиқариш) нархини белгилаш:

- Қимматли қоғозларнинг ҳосилаларни чиқариш тўғрисида қарор қабул қилиш:

- Қимматли қоғозлар чиқарилиши тўғрисида қарорга (акциялар, облигациялар) ва эмиссия рисоласига ўзгартиришлар ва (ёки) кўшимчалар киритиш ва уларни матнини тасдиқлаш:

- Хомийлик (хайрия) ёки бегараз ёрадам кўрсатиш (олиш) тўғрисида қарорларни фақат акциядорларнинг умумий йиғилиши томонидан белгиланган тартибда ва шартлар асосида, шунингдек , қонун ҳужжатларида белгиланган доирада ,бу ҳақда барча акциядорлар учун маълумотларни ошкор этган тарзда қабул қилиш:

- Кузатув кенгаши қошида кузтув кенгаши , ижроя орган аъзолари ,жамият ходимлари ва жалб этилган экспертлар (тегишли соҳа мутахасислари соҳа олий таълим муассасалар ўқитувчилари ва бошқалар) дан иборат тегишли масалалар , шу жумладан , низоли вазиятларни аниқлаш ва ҳал этиш ва бошқа масалалар бўйича кўмита лар (ишчи гуруҳлари) ташкил этиш:

- Қонун ҳужжатларига мувофиқ бошқа масалаларни ҳал этиш:

69. Кузатув кенгаши аъзолари сайлови кумулятив овоз бериш орқали амалга оширилади. Кумулятив овоз беришда ҳар бир акциядорга тегишли овозлар сони кузатув кенгашига сайланиши лозим бўлган шахслар сонига кўпайтириб ва акциядор шу тариқа олинган овоз ларни битта номзодга тўлиқ беришга ёки уларни икки ва ортиқ номзодлар ўртасида тақсимлашаг ҳақли. Энг кўп овоз тўплаган номзодлар Жамият кузатув кенгаши таркибига сайланган деб ҳисобланади.

70. кузатув кенгашининг раиси кенгаш аъзолари томонидан уларнинг ўзлари орасидан кўпчилик овоз билан сайланади. Кузатув кенгаши ўз раисини жами аъзоларнинг кўпчилик овози билан қайта сайлашга ҳақлидир.

71. Кузатув кенгашининг раиси унинг ишини ташкил этади, кузатув кенгашининг мажлис ларини чақиради ва улар раислик қилади, мажлисда баённома юритилишини ташкил этади, бошқарув аъзолари билан меҳнат шартномасини имзолайди.

72. кузатув кенгашининг раиси йўқ бўлган ҳолларда унинг вазифасини кенгаш аъзоларидан бири амалга оширади.

73. кузатув кенгаши мажлислари унинг раиси томонидан ҳар чоракда камида бир маротаба чақирилади ва ўтказилади. Жамиятнинг 1 фоиздан кам бўлмаган оддий акция эгалари кузатув кенгаши мажлисини чақиришни талаб қилиш ва кун тартибини белгилаш юзасидан таклиф киритиш ҳуқуқига эга.

74. Кузатув кенгашининг мажлисида қарорлар, агар қонунчиликда бошқа ҳоллар кўзда тутилмаган бўлса, мажлисда ҳозир бўлганларнинг кўпчилик овози билан қабул қилинади. Кузатув кенгаши мажлисида масалалар ҳал этилаётганда кенгашнинг ҳар бир аъзоси битта овозга эга. Кузатув кенгашининг бир аъзоси кенгашнинг бошқа аъзосига беришга ҳақли эмас. Кузатув кенгашининг аъзоларининг овозлари тенг бўлган ҳолда, кенгаш раисининг овози ҳал этувчи ҳисобланади.

75. Мажлисида кузатув кенгаши аъзолари видео ва аудио ускуналар орқали конференция алоқаси бўйича иштирок этиш мумкин бунда, уларнинг овозлари қарор қабул қилиш учун сиртдан берилган деб ҳисобланмайди.

76. Кузатув кенгаши унинг раиси ўз ҳуқуқларини амалга оширишда ва ўз мажбуриятларини бажаришда жамият манфаатларини кўзлаб иш тутиш лозим. Улар қонун ҳужжатларига ва ушбу уставга мувофиқ Жамият ва унинг акциядорлари олдида жавобгардир.

77. Кузатув кенгаши мазкур Устав ва акциядорлар умумий йиғилиши томонидан тасдиқланган "Кузатув кенгаши тугрисидаги низом асосида иш олиб боради.

Х. ЖАМИЯТНИНГ ИЖРОИЯ ОРГАНИ

78. Жамиятнинг кундалик фаолиятига раҳбарлик яккабошчилик асосидаги ижроия орган - Бош директор томонидан амалга оширилади.

79. Жамият Бош директори ваколатига Жамиятнинг кундалик фаолиятига раҳбарлик қилишга доир барча масалалар киради, Акциядорлар умумий йиғилиши ва Кузатув кенгашининг ваколатларига киригилган масалалар бундан мустасно.

80. Акциядорлар умумий йиғилишининг қарорига қура жамият ижроия органининг ваколатлари шартнома бўйича тижорат ташкилотига (ишончли бошқарувчига) берилиши мумкин. Тузиладиган шартноманинг шартлари жамият кузатув кенгаши томонидан тасдиқланади.

81. Жамият Бош директори Жамиятнинг кундалик фаолиятини бошқаради ва оператив раҳбарликми Ўзбекистон Республикаси қонунчилиги, Жамият Устави. Акциядорлар умумий йиғилиши ва Кузатув кенгашининг қарорларига мувофиқ амалга оширади.

82. Жамият Бош директори Қошун ва мазкур Уставга мувофиқ акциядорлар умумий йиғилиши ва кузатув кенгаши қарорлари бажарилишини ташкил этади ва уларга ҳисобот беради.

83. Жамият Бош директори Жамият акциядорлар умумий йиғилиши томонидан бир йиллик муддатга сайланади (тайинланади). Жамият Бош директори билан мекнат шартномасини Жамият номидан кузатув кенгаши раиси имзолайди.

84. Жамият Бош директорини тайинлаш тугрисидаги қарор, одатда, хорижий менежерлар кам иштирок этиши мумкин бўлган танлов асосида қабул қилинади.

85. Жамият Бош директорининг ваколати муддатидан илгари тугатилган тақдирда, жамият кузатув кенгашининг қарори билан белгиланган шахс унинг вазифасини

акциядорларнинг мавбатдаги умумий йигилишига булган даврда вақтчи бажариб туришига йул қўйилади.

86. Жамият Бош директориға туланадиган ҳақ ва (ёки)компенсациялар миқдорлари Ўзбекистон Республикаси Вазирлар Маҳкамасининг 207- сонли "Давлат улуши бўлган акциябошқа ҳужалик юритувчи субъектлар фаолияти самарадорлигин жорий этиш тўғрисида"ги қарори билан белгиланган самарадорликнинг муҳим кўрсаткичларига боғланган ҳолда белгиланади.

87. Жамият бош директорининг ваколатларига қўйидагилар қиради.

- мазкур Устав ва қўзатув кенгаши томонидан ўзига берилган ваколатларга мувофиқ Жамиятнинг ишига раҳбарлик қилиш;

- Жамият номидан ишончномасиз иш юритиш ва унинг манфаатларини ҳимоя қилиш :

- Жамият номидан битимлар тузиш, жамият тузилмалари , филиаллари ёки ваколатхоналари раҳбарларини тайинлаш.

- Қўзатув кенгаши розилигига кўра унинг ишида маслаҳат овози билан иштирок этиш:

- Ходимлар штат жадвалини тасдиқлаш, ходимларни (ишчиларни) ишга қабул қилиш, улар билан меҳнат шартномаларини тузиш ва бекор қилиш , уларга нисбатан интизомий жазолар чораларини қўллаш, ходимлар томонидан меҳнат ва ижро интизомини сақлаб туришни таъминлаш:

- Ишчи ва ходимларга иш ҳақи ва мукофот пуллари миқдорини белгилаш ва ижроси юзасидан доимий назоратни олиб бориш;

- Ходимлар мансаб йўриқномасини тасдиқлаш :

- Жамият тузилмалари, филиаллари ва ваколатхоналари раҳбарлари ҳисоботларини ҳар чорак якуни бўйича эшитиш:

- Жамият томонидан мол мулклар олиш ёки уни бошқа шахсга бериш ёхуд мол мулкни бошқа шахсларга бериш эҳтимоли билан боғлиқ битим ёки ўзоро боғланган бир нечта битимлар бўйича қарор қабул қилиш, агар бошқа шахсга берилаётган мол мулкнинг ёки олинаётган мол мулкнинг баланс қиймати бундай битимларни тузиш тўғрисидаги қарор қабул қилинаётган санадан олдинги ҳисобот санасига тузилган молиявий ҳисобот бўйича жамият соф активлари миқдорининг 5 фоизидан 15 фоизигача ташкил этса, акцияларни ва бошқа қимматли қўғозларни жойлаштириш билан боғлиқ битимлар бундан мустосно.

- Жамиятнинг асосий воситаларини ҳисобдан чиқариш:

- Жамиятнинг номидан амалдаги қонунларга асосан ишончномаларни бериш:

- Жамиятнинг барча ходимлари томонидан бажарилиши мажбур бўлган буйруқ ва фармоишлар чиқариш ва кўрсатмалар бериш:

- Ўз ваколати доирасида жамиятнинг самарали ва барқарор ишлашини таъминлаган ҳолда унинг жорий фаолиятига раҳбарлик қилиш:

- Акциядорлар умумий йиғилиши ва қўзатув кенгаши қарорларининг бажарилишини ташкил этиш:

- Жамиятда бухгалтерия ҳисоби юритилишини ташкил этиш, шу жумладан эълон қилиш мақсадида Молиявий ҳисоботлар халқаро стандартларига трансформациясини таъминлаш ва тўлиқ назоратини олиб бориш:

- Қонун ҳужжатларига мувофиқ жамият фаолиятига доир маълумотларни ошкор қилиш:

- Йиллик ҳисоботлар ва бошқа молиявий ҳисоботлар тегишли органларга ўз вақтида тақдим этилишини, шунингдек, акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этишни таъминлаш;

- Жамият архив ишини ташкил этиш ва ундаги ҳужжатлар бутлигини таъминлаш.

88. Жамият бош директори мажбуриятларига қуйидагилар қиради.

- жамият бизнес – режасида кўрсатилган миқдорларда фойда олишни таъминлаш;

- жамиятнинг ривожлантириш дастурлари, бизнес – режалари ишлаб чиқилишига раҳбарлик қилиш;

- жамият фаолиятида қонун ҳужжатлари талабларига риоя қилишини таъминлаш;

- Жамиятнинг молиявий-хўжалик фаолияти тўғрисидаги ҳужжатларини Жамиятнинг кузатув кенгаши, тафтиш комиссияси ёки жамият аудитори талабига кўра тақдим этиш;

- жамиятнинг тижорат сирини ташкил этувчи ахборотларни сақлаш;

- Хизмат ёки тижорат сирини ташкил этувчи ахборотларнинг Жамият ходимларининг малакаси, билими, ва қобилиятларидан энг яхши фойдаланиш чораларини кўриш;

- Жамият ходимларининг ижтимоий қафолатларига риоя қилинишини ва уларнинг меҳнатини муҳофаза қилишни таъминлаш;

- ўз ваколатига тегишли ишларнинг ҳолати тўғрисида ахборотни акциядорларнинг умумий йиғилишига ва Жамият кузатув кенгашига белгиланган муддатда тақдим этиш;

- Жамият акциядорларининг умумий йиғилишида қатнашиш, дивидендлар ҳисобланиши ва тўланиши бўйича акциядорларнинг барча ҳуқуқларига риоя қилиш;

- Ўзбекистон Республикасининг амалдаги қонун ва қонун ости ҳужжатларига ҳамда Жамият ички ҳужжатларига риоя қилиш;

89. Жамият бош директори ўз ҳуқуқларини амалага оширишда ва ўз мажбуриятларини бажаришда Жамият манфаатларини кўзлаб иш тутиши лозим. У қонун ости ҳужжатларига ва ушбу уставга мувофиқ Жамият ва унинг акциядорлари олдида жавобгардир.

90. Жамият Бош директори мазкур Устав ва акциядорлар умумий йиғилиши томонидан тасдиқланган “Ижроя органи тўғрисида”ги низом асосида иш олиб боради.

XI. ЖАМИЯТ ФАОЛИЯТИНИ НАЗОРАТ ҚИЛИШ

91. Жамиятнинг молиявий –хўжалик фаолиятини назорат қилиш учун акциядорларнинг умумий йиғилиши тафтиш комиссиясини бир йил муддатга сайлайди. Жамият тафтиш комиссияси 3 (уч) нафар кишидан иборат.

92. Тафтиш комиссиясини талабига биноан бошқарув раиси молия-хўжалик фаолияти тўғрисидаги ҳужжатларни тафтиш комиссиясига тақдим этишлари шарт.

93. Тафтиш комиссияси амалдаги қонунчиликка мувофиқ акциядорларнинг навбатдан ташқари умумий йиғилиши чақирилишини талаб қилишга ҳақли:

94. тафтиш комиссиясининг аъзолари бир вақтнинг ўзида кузатув кенгашининг аъзоси бўлишлари, шунингдек, жамиятнинг бошқарув органларида бошқа лавозимларни эгаллашлари мумкин эмас. Айни бир шахс айни бир жамиятнинг тафтиш комиссияси таркибига кетма кет у мартадан ортиқ сайланиши мумкин эмас.

95. Жамиятнинг молия-хўжаоник фаолиятини текшириш тафтиш комиссиясининг акциядорлар умумий йиғилишининг, кузатув кенгашининг ташаббусига кўра ёки жамият овоз берувчи акцияларининг камида 5 фоизига эгалик қилувчи акциядорларнинг талабига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

96. Жамиятнинг молиявий хўжалик фаолиятини текшириш якунларига кўра жамиятнинг тафтиш комиссияси хулоса тузади, бу хулосада: жамиятнинг ҳисоботларида ва бошқа молиявий хўжаликларида кўрсатилган маълумотларнинг ишончлилигига баҳо:

97. Бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек, молия-хўжалик фаолиятини амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

98. Тафтиш комиссиясининг хулосаси мазмунига қўшимча талаблар акциядорларнинг умумий йиғилиши томонидан белгиланади.

99. Тафтиш комиссияси жамиятда аффилланган шахслар билан тузилган битимлар ёки йирик битимлар мавжудлиги, шунингдек, қонун ҳужжатларининг ва Жамият ички ҳужжатларининг бундай битимларини тузишга доир талабларига риоя қилинишини тўғрисидаги хулосани ҳар чоракда кузатув кенгашининг мажлисида ва акциядорларнинг йиллик умумий йиғилишида эшиттирилади.

100. Тафтиш комиссияси мазкур Устав ва акциядорлар умумий йиғилиши томонидан тасдиқланадиган “Жамият тафтиш комиссияси тўғрисида”ги низом асосида иш олиб борилади ва уларга белгиланган тартибда мукофот пули тўланади.

101. Жамият активларининг баланс қиймати энг кам иш ҳақи миқдорининг бир юз минг баробарини ташкил этса ва (ёки) ошса Жамиятда ички аудит хизмати ташкил этилади. Ички аудит хизмати жамиятнинг кузатув кенгашига ҳисобдор бўлади.

102. Жамиятнинг ички аудит хизмати жамиятнинг ижроя органи, филиаллари ва ваколатхоналари томонидан қонун ҳужжатларига, жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишонччи тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб таомилларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроя органи, филиаллари ва ваколатхоналари ишини назорат қилади, ҳамда баҳолайди.

103. Ички аудит хизмати жамиятдаги ички назоратни, шу жумладан, 50 фонздан зиёд улуши Жамиятга тегишли бўлган юридик шахслар билан ўтказиладиган операциялар устидан назоратни амалга оширади.

104. Жамиятнинг ички аудит хизмати ўз фаолиятини Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширилади.